

urbe ejiciendam. Irent igitur, publicoque decreto Ducatu, 1032
magistratibus, suffragio, omnique dignitate Urseolæ genti
interdicerent: hostes judicarent: judicatos in exilium age-
rent. Quod ipsum stulta multitudo, veterum ejus gentis in
se meritorum oblita, alieni odii ministra, continuo decre-
vit: sic illustri ad eam diem familia, & quæ summos in Re-
publica viros habuit, præsentī ignominia eo usque depressa
est, ut ad pristinam fortunam nunquam amplius emerferit.
Cæterum eodem auctore sublatus est mos, collegæ in princi-
patu cooptandi: quod ipsum, ut est Reipublicæ utilissimum,
ita ad hunc diem maxime servatur. Hæc ab eo domi toto de-
cennio quo Princeps fuit, gesta dicuntur: quid dignum me-
moriam foris egerit, non reperio. Verum confectus jam se-
nio, humanæ necessitati concessit.

*Lex lata, ne
in posterum
Duci liceat
ullæ coopta-
re collegam.*

In ejus locum Dominicus Contarenus publico suffragio
suffectus est. Pepo interim circa Gradum omnia turbarat: ad
cujus conatus opprimendos (quia alia major cura civita-
tem inceserat) nihil in præsentia est decretum. Jaderenses
ad Croaciorum Regulum defecerant, vel, ut alii scribunt,
ad Salomonem Pannoniæ Regem. Qua defectione audita
(apparebat enim, nisi primo quoque tempore Veneta classis
in Dalmatiam processisset, fore ut non multo post reliqui po-
puli, qui jam ad defectionem spectare dicebantur, Veneto
alienarentur imperio) confestim Dux ingenti vi navium in
Dalmatiam transmisit: Jaderam obsidione cingit, cinctam
operibus expugnat. Jaderensis expugnationis fama peroppor-
tuna fuit ad cæteras urbes in fide continendas. Interim Pe-
po vi Gradum secundo occupat: urbemque primo impetu
captam, longe majore clade quam antea afficit. Veneti eam
injuriam ægerrime ferentes, tantisper ultionem distulerunt,
donec ad Benedictum Pontificem legatos mitterent, de Pe-
ponis injuriâ questum; tum si ille dicto Pontificis, quem ap-
parebat omnia inhibiturum, non paruisset, decretum erat,
Gradenſium cladem armis vindicare. Paruit Pepo Pontifi-
ci: sed illum, ut acerbo & pertinaci fuit ingenio, ita pa-
rum honesto mortis genere non multo post ajunt extinctum.
Sunt qui tradant, per hæc tempora Leonem Romanum Pon-
tificem

1043
*Succedit
Dominicu
Contare-
nus.*

*Jaderenses
deficiunt.*

1044
*Pepo Anti-
ſtes Aquile-
jenſis oclia
Reipublicæ
turbat.*